

增批
歸方評點史記

同文圖書館
印行

卷一

解方年表文記

明倫彙編
家範典

絳侯周勃世家第二十七

史記五十七

高祖句提挈

茅坤曰太史公叙絳侯戰功古今絕調

自破殺項梁至為碭郡長提挈綱領

絳侯周勃者沛人也。其先卷人。徙沛。勃以織薄曲爲生。常爲人吹簫。給喪事。材官引彊。高祖之爲沛公。初起。勃以中涓從攻胡陵。下方與方與反。與戰卻。適攻豐。擊秦軍碭東。還軍畱。及蕭。復攻碭。破之。下下邑。先登。賜爵五大夫。攻蒙。虞。取之。擊章邯車騎。殿定魏地。攻爰戚。東緡。以往至栗。取之。攻齧桑。先登。擊秦軍阿下。破之。追至濮陽。下甄城。攻都關。定陶。襲取宛。胸得單父。令夜襲取臨濟。攻張。以前至卷。破之。擊李由軍雍丘下。攻開封。先至城下。爲多。後章邯破殺項梁。沛公與項羽引兵東如碭。自初起。沛還至碭。一歲二月。

楚懷王封沛公號安武侯爲碭郡長沛公拜勃爲虎賁令以令從沛公定魏地攻東郡尉於城武破之擊王離軍破之攻長社先登攻潁陽緱氏絕河津擊趙賁軍尸北南攻南陽守齟破武關峽關破秦軍於藍田至咸陽滅秦項羽至以沛公爲漢王漢王賜勃爵爲威武侯從入漢中拜爲將軍還定三秦至秦賜食邑懷德攻槐里好時最擊趙賁內史保於咸陽最北攻漆擊章平姚叩軍西定汧還下郿潁陽圍章邯廢丘破西丞擊盜巴軍破之攻上邽東守峽關轉擊項籍攻曲逆最還守敖倉追項籍籍已死因東定楚地泗川東海郡凡得二十二縣還守雒陽櫟陽賜與潁

按馳道即御
前之比

陰侯共食鍾離。以將軍從高帝。擊反者燕王臧荼。破
之。易下。所將卒當馳道爲多。賜爵列侯。剖符世世勿
絕。食絳八千一百八十戶。號絳侯。以將軍從高帝。擊
反韓王信。干代。降下霍人。以前至武泉。擊胡騎。破之。
武泉北。轉攻韓信軍銅鞮。破之。還降太原六城。擊韓
信胡騎晉陽下。破之。下晉陽。後擊韓信軍於硤石。破
之。追北八十里。還攻樓煩三城。因擊胡騎平城下。所
將卒當馳道爲多。勃遷爲太尉。擊陳豨屠馬邑。所將
卒斬豨將軍乘馬絺。擊韓信陳豨趙利軍於樓煩。破
之。得豨將宋最。鴈門守圉。因轉攻得雲中守遼。丞相
箕肆將勲。定鴈門郡十七縣。雲中郡十二縣。因復擊

此通前總最戰功

鍾惺曰木彊敦厚終漢世者社稷臣專用此四字此武帝所以識汲黯霍光也光武之於彭寵又以此失之

稀靈丘破之。斬稀。得稀丞相程縱。將軍陳武。都尉高肆。定代郡九縣。燕王盧綰反。勃以相國代樊噲將。擊下薊。得綰大將抵丞相偃。守陘。太尉弱。御史大夫施屠渾都。破綰軍上蘭。復擊破綰軍沮陽。追至長城。定上谷十二縣。右北平十六縣。遼西遼東二十九縣。漁陽二十二縣。最從高帝得相國一人。丞相二人。將軍二千石各三人。別破軍二。下城三。定郡五。縣七十九。得丞相大將各一人。勃爲人木彊敦厚。高帝以爲可屬大事。勃不好文學。每召諸生說士。東鄉坐而責之。趣爲我語。其椎少文如此。勃既定燕而歸。高祖已崩矣。以列侯事孝惠帝。孝惠帝六年。置太尉官。以勃爲

太尉十歲高后崩呂祿以趙王爲漢上將軍呂產以
呂王爲漢相國秉漢權欲危劉氏勃爲太尉不得入
軍門陳平爲丞相不得任事於是勃與平謀卒誅諸
呂而立孝文皇帝其語在呂后孝文事中文帝旣立
以勃爲右丞相賜金五千斤食邑萬戶居月餘人或
說勃曰君旣誅諸呂立代王威震天下而君受厚賞
處尊位以寵久之卽禍及身矣勃懼亦自危乃謝請
歸相印上許之歲餘丞相平卒上復以勃爲丞相十
餘月上曰前日吾詔列侯就國或未能行丞相吾所
重其率先之乃免相就國歲餘每河東守尉行縣至
絳絳侯勃自畏恐誅常被甲令家人持兵以見之其

茅坤曰史官
須注記此事
方今後世悲
功臣而令無
輕辱

後人有上書告勃欲反。下廷尉。廷尉下其事長安逮捕勃治之。勃恐。不知置辭。吏稍侵辱之。勃以千金與獄吏。獄吏乃書牘背示之。曰。以公主爲證。公主者。孝文帝女也。勃太子勝之尚之。故獄吏教引爲證。勃之益封受賜。盡以予薄昭。及繫急。薄昭爲言。薄太后太后亦以爲無反事。文帝朝太后。以冒絮提文帝曰。絳侯綰皇帝璽。將兵於北軍。不以此時反。今居一小縣。顧欲反邪。文帝旣見絳侯獄辭。乃謝曰。吏事方驗而出之。於是使使持節赦絳侯。復爵邑。絳侯旣出。曰。吾嘗將百萬軍。然安知獄吏之貴乎。絳侯復就國。孝文帝十一年卒。謚爲武侯。子勝之伐侯六歲。尚公主不。

借許負言隱
括條侯一生
事迹以為提
挈

鍾惺曰省却
封侯一段妙
甚可悟作文
之法

相中坐殺人國除絕一歲文帝乃擇絳侯勃子賢者
河內守亞夫封為條侯續絳侯後條侯亞夫自末侯
為河內守時許負相之曰君後三歲而侯侯八歲為
將相持國秉貴重矣於人臣無兩其後九歲而君餓
死亞夫笑曰臣之兄已代父侯矣有如卒子當代亞
夫何說侯乎然已貴如負言又何說餓死指示我許
負指其口曰有從理入口此餓死法也居三歲其兄
絳侯勝之有罪孝文帝擇絳侯子賢者皆推亞夫乃
封亞夫為條侯續絳侯後文帝之後六年匈奴大入
邊乃以宗正劉禮為將軍軍霸上祝茲侯徐厲為將
軍軍棘門以河內守亞夫為將軍軍細柳以備胡上

撫寫細柳軍
極精采為後
擊吳楚作勢

自勞軍至霸上及棘門軍直馳入將以下騎送迎已而之細柳軍軍士吏被甲銳兵刃彀弓弩持滿天子先驅至不得入先驅曰天子且至軍門都尉曰將軍令曰軍中聞將軍令不聞天子之詔居無何上至又不得入於是上乃使使持節詔將軍吾欲入勞軍亞夫乃傳言開壁門壁門士吏謂從屬車騎曰將軍約軍中不得驅馳於是天子乃按轡徐行至營將軍亞夫持兵揖曰介冑之士不拜請以軍禮見天子為動改容式車使人稱謝皇帝敬勞將軍成禮而去既出軍門羣臣皆驚文帝曰嗟乎此真將軍矣曩者霸上棘門軍若兒戲耳其將固可襲而虜也至於亞夫可

即有緩急二
句與非少主
臣反映

得而犯邪。稱善者久之。月餘。三軍皆罷。乃拜亞夫爲中尉。孝文且崩時。誡太子曰。卽有緩急。周亞夫真可任。將兵。文帝崩。拜亞夫爲車騎將軍。孝景三年。吳楚反。亞夫以中尉爲太尉。東擊吳楚。因白請上曰。楚兵剽輕。難與爭鋒。願以梁委之。絕其糧道。乃可制。上許之。太尉既會兵滎陽。吳方攻梁。梁急請救。太尉引兵東北走昌邑。深壁而守。梁日使使請太尉。太尉守便。宜不肯往。梁上書言景帝。景帝使使詔救梁。太尉不奉詔。堅壁不出。而使輕騎兵弓高侯等絕吳楚兵後食道。吳兵乏糧。飢數欲挑戰。終不出。夜軍中驚。內相攻擊。擾亂。至於太尉帳下。太尉終臥不起。頃之復定。

與梁有卻一
句轉

後吳奔壁東南陬。太尉使備西北。已而其精兵果奔西北。不得入。吳兵既餓。乃引而去。太尉出精兵追擊。大破之。吳王濞奔其軍。而與壯士數千人亡走。保於江南丹徒。漢兵因乘勝。遂盡虜之。降其兵。購吳王千金。月餘。越人斬吳王頭以告。凡相攻守三月。而吳楚破平。於是諸將乃以太尉計謀爲是。由此梁孝王與太尉有卻。歸復置太尉官。五歲。遷爲丞相。景帝甚重之。景帝廢栗太子。丞相固爭之。不得。景帝由此疏之。而梁孝王每朝。常與太后言條侯之短。竇太后曰。皇太后兄王信可侯也。景帝讓曰。始南皮章武侯。先帝不侯。及臣卽位。乃侯之。信未得封也。竇太后曰。人主各

董份曰細柳
營真將軍不
相候外戚真草

以時行耳。自竇長君在時，竟不得侯。死後，乃封其子彭祖。顧得侯，吾甚恨之。帝趣侯信也。景帝曰：「請得與丞相議之。」丞相議之，亞夫曰：「高皇帝約，非劉氏不得王，非有功不得侯。不如約，天下共擊之。今信雖皇后兄，無功侯之，非約也。」景帝默然而止。其後匈奴王徐盧等五人降，景帝欲侯之，以勸後。丞相亞夫曰：「彼背其主降陛下，陛下侯之，則何以責人臣不守節者乎？」景帝曰：「丞相議不可用。」乃悉封徐盧等爲列侯。亞夫因謝病，景帝中三年，以病免相。頃之，景帝居禁中，召條侯賜食，獨置大胾，無切肉，又不置櫡。條侯心不平，顧謂尚席取櫡。景帝視而笑曰：「此不足君所乎？」條侯

王鑒曰千古
見之猶為氣
塞其父子兩
朝遭遇如此
不可咎其不
遜

史五十七
免冠謝上起。條侯因趨出。景帝以目送之曰。此怏怏者。非少主臣也。居無何。條侯子為父買工官尚方甲。循五百被。可以葬者。取庸苦之。不予錢。庸知其盜買。縣官器。怒而上變告子事。連汙條侯。書既聞上。上下吏。吏簿責條侯。條侯不對。景帝罵之曰。吾不用也。召詣廷尉。廷尉責曰。君侯欲反邪。亞夫曰。臣所買器。乃葬器也。何謂反邪。吏曰。君侯縱不反地上。即欲反地下耳。吏侵之益急。初。吏捕條侯。條侯欲自殺。夫人止之。以故不得死。遂入廷尉。因不食五日。嘔血而死。國除。絕一歲。景帝乃更封絳侯勃他子堅為平曲侯。續絳侯後。十九年卒。謚為共侯。子建德代侯。十三年。為

條侯果餓死
二句收有遠神

太子太傅坐酎金不善元鼎五年有罪國除條侯果
餓死死後景帝乃封王信爲蓋侯
太史公曰絳侯周勃始爲布衣時鄆林人也才能不
過凡庸及從高祖定天下在將相位諸呂欲作亂勃
匡國家難復之乎正雖伊尹周公何以加哉亞夫之
用兵持威重執堅刃穰苴曷有加焉足已而不學守
節不遜終以窮困悲夫

絳侯周勃世家第二十七

史記五十七

梁孝王世家第二十八

史記五十八

梁孝王武者。孝文皇帝子也。而與孝景帝同母。母竇太后也。孝文帝凡四男。長子曰太子。是爲孝景帝。次子武。次子參。次子勝。孝文帝卽位二年。以武爲代王。以參爲太原王。以勝爲梁王。二歲。徙代王爲淮陽王。以代盡與太原王。號曰代王。參立十七年。孝文後二年卒。謚爲孝王。子登嗣立。是爲代共王。立二十九年。元光二年卒。子義立。是爲代王。十九年。漢廣關。以常山爲限。而徙代王王清河。清河王徙。以元鼎三年也。初。武爲淮陽王十年。而梁王勝卒。謚爲梁懷王。懷王最少子。變幸異於他子。其明年。徙淮陽王武爲梁王。

懷王最少子
二句與孝王
相應又見梁
封所以最大